

Батыр - елдің сәулеті !

«Ел үмітін ер ақтар» демекші, ел басына күн туғанда «етігімен су көшкен», ерлігімен көзге түскен, ел үмітін ақтар, мақтан етер ерлері болады. Сондай ерлердің бірі-Отан үшін, ел үшін жанын қиған даңқты жерлесіміз, Кеңес одағының батыры Ідіріс Үргенішбаев.

Тарихи деректерге сүйенсем, Ідіріс Үргенішбаев 1942 жылы 4 қаңтарда майданға аттанып, арнайы дайындықтан өткен соң майдан даласындағы шайқастарға араласқан.

Ідіріс Үргенішбаевтың майдандағы өмірінің үлкен бір белесі оның Курск доғасындағы шайқасқа қатынасуы болып табылады. Ол туралы Ідірістің майдандас достарының бірі Брянск облысының Севск қаласында тұратын мұғалім В.И.Даниленко былай деп жазған: «1943 жылдың 10 шілдесі. Курск доғасындағы шайқастың қызған шағында жау нөмірі 260 биіктікті қарсыса қорғап бақты. Ұрыс жүргізіп жатқан батальонның бір ротасы биіктікке тынымсыз шабуыл жасаумен болды. Бірақ берілген жау жоқ. Осы кезде Ідірістің өзінің пулеметін алып, жау траншеясына қарай өрмелеп бара жатқанын оның жауынгер жолдастарының бәрі де көрді. Ідіріс бірде жер бауырлап, бірде бұғып жүгіріп, қапысын тауып ақыры жауға тұтқиылдан жалғыз өзі соққы берді. Қапелімде ес жиып үлгермеген жау сасып қалды. Артынша

АЙБЫНДЫ ЕЛДІҢ ҰЛАНЫМЫЗ!

жау позициясына біздің әскерлердің негізгі тобы да келіп жетті. Сөйтіп жауға ойсырата соққы беріп, биіктікті алды. 1943 жылғы 19 тамызда дивизия штабынан келген аға офицер Ідіріс Үргенішбаевқа сол жолы көрсеткен ерлігі үшін берілген «Қызыл жұлдыз» орденін табыс етті. Осы естелік «Ерлік көрсеткенге оқ та дарымас» деп, халық даналығында айтылғандай, батыр бойында туа біткен қайсарлық, жігерлілік, намысқойлық қасиеттердің көрінісі іспеттес.

Ерден ердің несі артық? Ерлігі мен ісі артық, демекші, қан майданда ерлік көрсетіп, ел үшін, жер үшін жанын пидә өткен Ідіріс Үргенішбаев сияқты батырларымыз қандайда құрметке лайық. Осы орайда, Кеңес одағының батыры Ідіріс Үргенішбаевтың есімі Ақтөбе облысы Шалқар қаласындағы N496 орта мектебіне берілуі, батырға Шалқар қаласында ескерткіш қойылуы, көшеге ат берілуінен «Ердің ерлігін білмеген, құдайдың бірлігін білмейді» деген жолдарда айтылғандай, кейінгі ұрпақтың батыр ерлігін дәріптеумен бірге ел бірлігінің айқын көрінісі.

Сонымен қатар, батыр ерлігіне тағзым ете отырып, ерлік жолынан үлгі алып, талай жастар бейбіт күнде де ел қорғауға аттанды. «Ерлігі бар елге жағар» демекші, Ідіріс Үргенішбаевтың ерлік ісі қашанда елге мұра.

Ідіріс! Ел қорғаған азаматым!

Таныттың, қан майданда қазақ атын.
Жауынды жер қаптырған,
қаһарманым,
Жасайды, мәңгілікке ғажап атың-деп,

жерлес ақынымыз Зиядин Әбдуәлиев жырға қосқандай, батыр есімі халқымен бірге мәңгі жасап, ел сәулеті болып қала береді.

Олжаева Айымкөз,
№6 орта мектебінің,
9 «Б» сынып оқушысы,
Ақтөбе облысы Шалқар қаласы.

ТУҒАН ЖЕРІМ - ТАЛ БЕСІГІМ !



Ксения Кадникова,
«Орион» туристік клубы,
Семей қаласы.



Мансурова Ясмин,
Алматы облысы Райымбек
ауданы Күрметі ауылы.